

**SAKSFRAMLEGG**

Sakshandsamar	Klasse	Saksmappe	Gradering
Audun Sylta	11	21/03881-3	Ugradert

Råd/utval	Saksnummer	Møtedato
Alver kyrkjelege fellesråd	22/21	23.09.2021

Festeavgifter**Saksframlegg**

For 2020 var festeavgifta for enkel grav i Alver kr. 500 per år. Avgifta vart auka av fellesrådet til kr. 600 i samband med handsaming av budsjett for 2021.

Graver over 60 år hadde avgift på kr. 900 per år/grav for 2020 som auka til kr. 1 000 for 2021.

Dei tre tidlegare fellesråda i Lindås, Meland og Radøy hadde litt varierende avgifter men nytta åra fram til 2020 til å utlikna forskjellane i avgiftsnivået inn mot samanslåinga til Alver kyrkjelege fellesråd.

Festeavgiftene varierer sterkt i Bjørgvin. Grunnane til dette kan vera forskjellige, men det er stort sett mindre kommunar som har låge avgifter. I praksis tyder det at kommunen vel å subsidiere drifta av gravplassane sterkare ved auka overføring til fellesrådet.

Drift av gravplassar utgjer ein stor kostnad for fellesrådet. Bergen og nabokommunane har valgt å leggja seg på ei linje der avgiftene dekkar ein større del av kostnadane. For Alver er det derfor naturleg å samanlikne seg med kommunar av om lag same storleik slik som Bjørnefjorden, Askøy og Øygarden.

Oversikt festeavgifter:

	2020	2021	Endring/kr	Endring/%
Alver	500	600	+ 100	20
Askøy	500	550	+ 50	10
Bergen	649	665	+ 16	2,5
Bjørnefjorden	603	618	+ 15	2,5
Øygarden	500	500	uendra	

Offentlege avgifter skal som eit utgangspunkt spegle utgiftene med å drive tenesta. Det ligg fleire usikre moment i eit slikt oppsett, men dei kommunane som ligg høgast er også dei som har gjort utrekningar av kva gravpassdrifta kostar.

For Alver kommune synes det ikkje å vera eit alternativ å legge opp til auka subsidiering av gravplassdrifta. Fellesrådet bør derfor finna eit avgiftsnivå som samsvarar med kostnadane.

Alver er no på linje med dei andre kommunane i oversikten og det er ikkje naturleg eller naudsynt å føreslå større justeringar. Festeavgiftene utgjer ein stor årleg inntektspost i fellesrådet sitt budsjett, for 2021 kr. 1 750 000. Av omsyn til fellesrådet sin økonomi er det viktig å halde fokus både på avgiftsnivået og korrekt innkreving av avgiftene.

Gravplassmyndigheten i Bergen føl kommunen sine tal for avgiftsendringar. Festeavgifta i Bergen har såleis vorte justert i samsvar med den kommunale deflatoren. I praksis har dette resultert i ein auke på mellom 2,3 og 2,8% årleg

Deflatoren for kommunesektoren skal fortelle om sektorens kostnadsutvikling, i form av utviklingen i lønninger og prisene på varer og tjenester i kommunesektoren. Rent teknisk veies årslønnsveksten i kommunesektoren sammen med prisutviklingen på en rekke varer og tjenester kommunesektoren bruker til drift og investeringer. Deflatoren brukes blant annet til å regne ut realveksten i kommunesektorens samlede og frie inntekter med utgangspunkt i regnskapene i løpende priser.

KS sin prognose for 2022 er ein auke på 2,9 prosent. I statsbudsjettet som vert lagt fram 13.oktober vert satsen for kommunal deflator endeleg fastsatt. Dersom ein vel å nytte dette prinsippet kan fellesrådet vedta nye avgifter gjeldande for 2022 i tråd med prosenten som kjem fram i statsbudsjettet.

For å halde avgiftene på eit riktig nivå må dei justerast for endring i kostnadane. Dette kan gjerast på fleire måtar men Bergen og Bjørnafjorden sin praksis er kanskje det som er enklast for fellesrådet og mest akseptabelt for innbyggjarane i kommunen. Vi vil då få mindre årlege endringar i staden for større hopp med ujevne mellomrom.

Forslag til vedtak

Fellesrådet foreslår at festeavgifta blir endra årleg lik den kommunale deflatoren.